

惟之所天啓時璫禍起忠節公以館海內清流  
投止者茅元儀題曰北海亭作記載明說加乾  
坤二字茅元儀記有亭歸然在江村草堂之  
後而知止居之傍覆以茨塗以堊棟柱櫟楹以  
及薄櫨栳櫨靡不曲弱不中程擣攢以爲垣僅  
僅蔽風雨而長江大河之南北靡不仰而頌曰  
此北海亭也創于侍御公以之訓伯順寒暑燥  
濕于是者三十年成進士去伯順又以誨其子  
石卿石卿寒暑燥濕于是者又幾三十年舉天  
啓辛酉畿內第一人當吾鄉魏子孔時爲行人  
時嘗策蹇訪伯順于江村館于是時有唱和吟  
詠傳于時是時石卿猶爲諸生伯順亦郎民部  
及石卿膺鄉薦伯順同余叅高陽公軍事石卿  
往來於遼亭遂省無人而行人爲給事中數年  
矣逮於璫其子子敬行乞過伯順伯順之太公  
復館之於是子敬日夜號太公爲不食也而所  
逮左中丞之弟若子亦繼館焉伯順抗時歸周  
吏部之客朱生以吏部逮過謀於伯順亦館焉  
當是時璫有最曜豎後雉以殉者曰李朝欽家  
亭之左不數百武而司調事凡諸君子之逮皆